

## Aurten ere, Arabar Errioxako lau ikastetxetan aritu gara bertsoetan

2014/15 ikasturtea

ARABAR ERRIOXAKO BERTSOTAN

ARABAR ERRIOXAKO URTEKARIA


Uxue Diaz de Cerio eta Jon Ruiz de Pinedo, Araba Bertsozale Elkarteko irakasleak, klasea ematera etorri dira Arabar Errioxako lau ikastetxeetara.

Lehen Hezkuntzako 5. eta 6. mailako ikasleak izan dira, "Gu ere bertsoetan" programan parte hartu dutenak. Oiongo, Lantziegoko, Lapueblako eta Bastidako ikastetxeetako gaztetxoak aritu dira bertsoetan 2014-2015 ikasturtean zehar, guztira 120 ikaslek hartu dute parte proiektu honetan

Haurrek primeran pasa dute bertsoak egin eta entzunez, hitzekin eta euskararekin jolastuz eta bide batez, hainbat bertso emanaldi burutu dituzte klasean prestatutako bertsoekin. GU ERE BERTSOLARI programa "Bertsolaritzaren curriculum" lanean oinarritzen da eta lau eremu lantzen ditu: MUSIKA, KULTURA, HIZKUNTZA eta TREBETASUN PERTSONAL ETA SOZIALAK



## ARABAR ERRIOXAKO BERTSO ESKOLA



Landrio  
bertso eskola  
arabar errioxa



**bertso**  
**eskolar**  
**goaaaaaz**

**ANIMA ZAITEZTE BERTSO ESKOLARA!!**

**HAUR ETA GAZTEEN TALDEAK**

**SORTU NAHI DITUGU!!!!**



## 2015eko ARABAKO BERTSO TXAPELKETA berria

Aldaketa ugarirekin heldu zen aurtengo Bertsolari txapelketa. Aurre-kanporaketetatik soilik 18 bertsolari sailkatzea izan zen erabakia. Kanporaketak kendu eta finalaurrekoak bi errondetan burutzea erabaki baitzen.

Azken urteetako txapelketa gazteena izan da. Urtarrilaren 25ean ekin genion txapelketari, Dulantzín. Beste bost finalaurreko jokatu ziren: Legutio, Audio, Aramaio, Zigoitia eta Langraiz-Okan. Saio ederrak izan ziren, lehen txapelketa zutenek paper ederra bete zuten eta aurretik ibilitakoek euren maila erakutsi zuten. Aipatu behar da, txapelketa honetan Arabar Errioxako ordezkari bat egon dela, Unai Bengoetxea, eta ederto egin zituen egin beharreko lanak.



Finalerako zita maiatzaren 21erako jarri genuen. Egun horretan oholtza gainean: Oihane Perea, Ruben Sanchez, Xabi Igoa, Zigor Enbeita, Iñaki Viñaspre eta Manex Agirre bertsolariak eta Marta Ugarte eta Aintzane Irastusta gaiak jartzeko prest. Entzuleek ederki bete zuten Printzipal

Antzokia euren txalo eta animoekin.

Saioan zehar ale ederrak utzi zituzten bertsolariek. Fin aritu ziren guztiak, baina buruz burukoan aritzeko hautatuak bi izan ziren: Manex Agirre eta Iñaki Viñaspre. Bigarren fase bizia eskaini ziguten.

Lanak amaituta, Manex Agirre txapeldun atera zen Printzipaletik.

**GORA ARABAR ERRIOXAKO BERTSOLARI,  
GAI JARTZAILE, EPAILE  
ETA BERTSOZALEAK!!!**

## EskolartekoA 2015

Maiatzaren 8an eman zitzaion hasiera Arabako Bertso-  
eskolartekoari eta bitarte honetan hiru kanporaketa burutu  
dira bi adin tartetan, 14tik beherakoak, eta 14 eta 18 urte  
bitartekoak; bi modalitatetan, bertso jarriak eta bat-  
batean. Topaketak Gasteizen, Zaldudon eta Aramaion bu-  
rutu dira, orotara Gorbeialdeko, Gasteizko, Lautadako eta  
Mendialdeko haur eta gazteak aritu direlarik. Denera 60 bat  
haur eta gazte aritu dira aurtengo edizioan.



Finala Kanpezun, bertaratutako haur eta gaztetxoek, ber-  
tsozaleen, bertso-eskolekako lagunen eta etxekoek gozaga-  
rri. Bertso sortek ireki zuten kultur etxean hasi zen bertso  
festa. Kanpezuko bertso-eskolako txikiak izan ziren lehenak oholtzara igotzen, eta ederki piztu zu-  
ten giroa. Horien ondotik Aramaioko bertso-eskolakoek parodia ederra prestatu zuten.

Irribarrea ahoan oholtzaratu ziren Markel Yoller, Irati Ruiz de Pinedo, Peru Abarrategi, Unai Etxe-  
nausia, Peru Amorrortu eta Unai Argote. Irribarrez baina bertsotan euren onena emateko prest.  
Zortziko nagusian zein txikian saio arinak eta umore ukitu ederrekin eskaini zizkiguten. 60 entzule-  
ren aurrean, saio orekatua eta bizia osatu zuten ofizioki. Ondoren bakarkakoek txanda iritsi zen,  
puntuari erantzun eta hitzari bertso bat bota beharra. Entzulek gogoz txalotu zuten sei bertsolarien  
ahalegina eta ale ederrak entzuteko parada izan zuten bertaratutako guztiek.



**Zatoz Arabako bertsolariak animatzera Euskal He-  
rriko Eskolarteko txapelketara!!**

Epaimahaiak, hala erabakita, Peru Abarrategik  
irabazi zuen finala. Hemendik aurrera, edizio ba-  
tetik bestera, eskuz esku pasatuko den saria jaso  
zuen. Gasteizko Peru Amorrortuk bigarren postua  
lortu zuen. Biak izango dira Orion Ekainaren 27an  
izango den Euskal Herriko eskolarteko txapelke-  
tako finaleko Arabako ordezkariak, herrialdeko  
bertso-eskolako gazte eta haur guztiek egindako  
ahaleginaren erakusgarri bikainak.

Bat-bateko saioa amaituta, eguraldi ona lagun,  
kalejiran abiatu ziren haur, gazte eta gurasoak  
kalean barna. Alboka, pandero eta puntuatu ga-  
beko bertsoek hartu zuten kalea. Herriko plazan  
herri bazkari goxoa izan zuten eskerroneko sari.

## SAIOAK Arabar Errioxa osotik

Bertso-saio asko izan dira Arabar Errioxan ospatu direnak kurtso honetan zehar, hemen adibide eta argazki batzuk:

2014-08-30: Lantziegon, bertso afaria

2014-11-22: Oionen, jaialdia

2014-11-28: Ekoran, plaza librean

2014-12-04: Guardian, hitzaldia

2014-12-10: Oionen, hitzaldia

2015-1-23: Oionen, bertso poteo eta afaria

2015-3-14: Oionen, bertso-korrika Saioa

Saio hauetaz gain, asko geratzen zaizkigu gozatzeko.

Adi egon! Ez itzazu galdu!



**BERTSO SAIOA OIONEN**

IRATI ANDA  
ORLANDO ARREITUNANDIA  
UNAI BENGOTXEA  
IKER OLABARRIETA

GAI JARTZAILEA: ARANTXA SOBRINO

AZAROAK 22 LARUNBAT  
20:00etatik  
TXOKO TABERNA





## ABEren txosna

Iazko esperientzia eta gero, Arabako Bertsozale Elkarteak prest dago. Aurten ere, Entxosnatuko gara.

Beraz, badakizue, zuen zain edukiko gaituzue Gasteizko jailetako Txosnagunean: trago bat hartu, zeozer jan, indarrak hartu... dena ez da bertsoa izango!! Bertsoak entzuteko parada izango den arren... adi egitarauari.

**ENTXOSNATU GUREKIN!**



Arabako Bertsozale Elkarte  
Benito Perez Galdos, z/g- Amaia Zentroa



Arabako Foru Aldundia  
Diputación Foral de Álava  
www.alava.net



EUSKO JAURLARITZA  
GOBIERNO VASCO  
KULTURA SAILA  
DEPARTAMENTO DE CULTURA

[www.bertsozale.eus/araba](http://www.bertsozale.eus/araba)

[www.bertsoa.eus](http://www.bertsoa.eus)